



MASHKIIG AKIIN PAYATE ISHIKIISHWEWIN MAMAW

Ekiio'shipiihikatek kacakosich kiisis 2026



Mashkiig akiing ayaamagan gaa-nibiiwang aki, mii imaa ezhi-ozhi'oomagak azhashki ginwesh daso-biboon, mashkiig aki e-ozhi'oomagak. Andawendaagwan nibi, gaye gaa-mino-izhiwebak gaye gaa-apiitakamigaak ji-ozhi'oomagak, ngojigo 40 cm 3 m ako. Owe mashkiig aki ayaamagan mashkiigong gaye gaa-izhi-nibiiwang aki, andawenjigaade nibi ji-bejiiwang imaa ji-ozhi'oomagak iwe azhashki gaawiin ji-wanaadazing iwe azhashki. Gichi-inendaagwanoon mashkiig akiin aaniish naa niibiwa imaa ondaadiziwag aya'aawishag gaye gitigaanan, gaye e-izhishkaag gaa-naagwasinog carbon gaa-izhinikaadeg, e-ozhi'oomagak carbon sink.



Wegonen iwe Carbon Sink?

Carbon sink gaa-ijigaadeg mii imaa ezhaa-magak carbon dioxide gaa-ijigaadeg ishpim-ing gaa-ayaag gaa-waabanjigaadesinog, bangii dash eta bagidinigaade imaa onji. Onizhishin dash gaawiin aapiji e-ayaasinog carbon dioxide ishpiming. Mitigoog gaa-ayaawaad noopimiing gaye gichigami gaye mashkiig aki ayaamagan iwe carbon sink.

Ezhinaagwak Noongom

Omaa Besho Gaa-izhi-ganawaabanjigaadeg, 15 dasinon mashkiig akiin 63% minik omaa, mashkiigoon maawach e-ayaamagakin. Mii enenjigaadeg e-baatiinadak owe mashkiig aki giowedinong Gaa-izhi-ganawaabanjigaadeg, giowedinong Dusey Zaaga'igan. Gaye mashkiigoon baatiinadanoon giowedinong inake. Imaa Marten Falls Anishinaabeg gaa-izhidaawaad wiindamaagemagan aaniindi eyaagin ini mashkiig akiin. Memindage iwe Dazhiikewin ayaamagan niibiwa mashkiig aki gaye gaa-gii-gawi'ondwaa mitigoog imaa zhaawanaong gaa-izhijiwang Albany Ziibi imaa dash Pahtegosing Ziibi.



Ekonen iwe...

Mii Omaa Ge-dazhi-naanaagajichigewaad: oga-naanaagajitoonaawaa ge-dazhi-wanishkweyindwaa awesiinyag. Oga-naanaagajitoonaawaa wenji-madamok gaye gaa-izhi-ishkwemok Miikana.



Ge-inishkaagemagakiban gaye Manaajichigaadeg

Ozhichigaadeg iwe Dazhiikewin Miikana gaye aabajichigaadeg ginwesh gegoon da-inish-kaagemagan imaa Besho Gaa-izhi-ganawaabanjigaadeg. Daabishkoo onowe:

Dibinawe odaapinigaadeg iwe mashkiig aki omegwa ozhichigadeg iwe miikana da-izhi-aanjise gaa-ayaag iwe mashkiig aki, gaawiin ji-ayaamagazinog, gaye ji-aabadak.

Daa-aanjise iwe mashkiig aki owe izhiseg:

- Aanjiseg iwe nibi gaye anaamakamig gaa-ayaag nibi;
- Ayaamagakin oshki-gitiaanan gaa-gii-ayaasinogin imaa mewinzha;
- Maajii-biigoshkaa iwe gaa-danakii-waad gaa-dazhiikewaad imaa mashkiig akiing gaye ani-aanjise iwe jiigi-mashkiig akiing (bakaan e-izhi-ayaag);
- Ani-baatiinowag awiyag gaa-biizhaawaad imaa;
- Ani-bagijise mitaawang mashkiigong;
- Ziigise waasigani-bimide imaa mashkiig akiing gaye godak gaa-wiinichigemagak;
- Gaa-baashkineyaag gaa-wiinadak izhaamagan ishpiming gaye
- Gaa-baashkineyaag izhaamagan ishpiming.

Aanjise iwe mashkiig aki carbon gaa-ganawenjigaadeg imaa azhashiing (apii gaa-gitaatabiibagak gemaa gaa-bwaatawiimagak im mashkiig akiing gaa-izhiseg).

?

Wegonen iwe miziwe gaa-gikendaagwak?

Miziwe gaa-gikendaagwak mii iwe gaa-izhi-oko-dazhiikewaad bemaadiziwaad gaye gaa-izhi-dazhiikewaad.

?

Wegonen iwe nibi gaa-ando-gikenjigaadeg?

Iwe nibi gaa-ando-gikenjigaadeg ganawaab-anjigaade aaniin ezhiyaag nibi gii-babaami-ayaamagak miziwe akiing, aandi eyaag aye aan ezhiseg imaa gaa-izhi-bimaadiziying.

?

Wegonen Aki Ji-wanaajichigaadesinog.

Aki Ji-wanaajichigaadesinog da-ozhichigaade gaye da-aabajichigaade megwaa ozhichigaa-deg miikana ji-manaa-ayaamagak gitigaan ge-miiwishkaagemagak giishpin miziwe maa-jii-nitaawigig imaa.

Mii owe ge-izhichigewaad gaa-miikanaake-waad ji-manaa-maanzhidooramowaad iwe mashkiig aki gaa-ayaamagak imaa, gaye ji-wawezhitoowaad wegonen gaa-biigoshkamowaad. Daabiskoo oonoweniwan da-izhichigewag ji-manaajitoowaad iwe aki.

- 100 m ako da-bashkozhigewag gaa-dazhi-miikanaakewaad, jiigiya'ii imaa miikanaang.
- Gaawiin daa-waanikesiiwang gaa-izhi-mitaawangaag gaye gaa-izhi-asiniinsikaag ji-aabajichigaadegin gaye miikanawan gaa-gii-ozhichigaadegin, ji-giwe-nitaawigig gegoon gaa-nitaawigikiban imaa.
- Daa-ozhichigaade ji-biminizha'igaadeg aaniin ge-doodaming Aki Ji-wanaajichigaadesinog.
- Gego bagidinange bakaan akiing gaa-onjii-magakin gitigaanan ji-bimaadain omaa ozaam da-miiwishkaagemaganoon.
- Enishkaagemagak Gaa-naagajichigaadeg da-izhichigem ji-biminizha'igaadeg wenizhishing
- Izhichigek ji-nitaawigingin miinawaa gaa-gii-nitaawigingin imaa gitigaanan, memindage imaa mashkiig akiing.

Gaa-izhiseg Enishkaagemagak

Aanawi gagwe-manaajichigaadeg mashkiig aki megwaa miikanaakenaniwang, giyaabi da-aanjise gegoon. Bashkozhigaadegin gaa-nitaawigingin daabishkoo gitigaanan gaye mitigoog, da-maanzhise aki. Gaawiin dash wiin da-maanzhichigaadesinoon aki inenji-gaade giishpin ginwesh aabajichigaadeg iwe miikana.

Maagizhaa da-onji-maanaagamin waanashkobaan gaye mashkiigwaabo. Owii-kagwejimaawaa Anishinaabeg aaniin ge-izhitoowaad mikamowaad mookijiwinaabo gaye bakaan gaa-ichigaazod zhoonyaa maagizhaa ji-wiimaawonjigeng eyaag mookijiwinaabo.

Owe da-izhise giishpin naasaab apiichi-bimijiwang iwe nibi gaa-bimi-ayaamagak imaa mashkiig akiing gaye naasaab ji-apiichi-biig. Da-ozhichigaadeg gegoon ge-ganawaa-banjigemagak gaye da-ganawenjigaadewan ini.

Aanawi giishpin izhichigaadeg ji-mooshkine-yaabatesinog gaa-baashkineyaag, giyaabi ozhichigaadeg miikana da-onjiimagan gaa-baashkineyaag da-maanzhisemagan dash gaa-nitaawigig imaa jiigiya'ii Dazhiikewin Miikana (100 m). Gaye baashkinedaawang-bizowaad odaabaanensag giizhichigaadeg iwe miikana da-onjiimagan gaa-baashkine-yaag, ji-maanzhisemagak mashkiig aki, gaawiin dash wiin daabishkoo megwaa ozhichigaadeg iwe miikana. Apane ayaag iwe miikana da-baashkineyaa mitaawang.

Ginwesh aabadak iwe Dazhiikewin Miikana da-onji-dagoshinoog bakaan akiing gaa-onjiiwaad bemaadiziwaad daabishkoo manijooshag gemaa gitigaanan bakaan gaa-onjiimagakin. Da-maanzhise dash bangii.

Ge-oko-izhiseg Inishkaagewin

Iwe Ge-oko-izhiseg Inishkaagewin inenji-gaade godak gegoonan gaa-ozhichigaadegin imaa inake daabishkoo (gaawiin dash eta) Iwe Giiwedini Miikana, Gichi-ginebig gaye Painter Zaaga'igan Mitigokewin Miikana Wawezhichigewinan gaye Gaagizhiikaad Bizhiw Izhichigewinan.


Ono maamaw izhichigewinan omaa owe inenjigaadewan ji-izhisegin:

- Ji-agwiimagak mashkiig aki azhashki;
- Ji-aanjiseg anaamakamig nibi;
- Ji-biigoshkaagin gaa-izhi-gabeshiwaad awensiwag gaye imaa jiigiya'ii gaa-izhi-gabeshiwaad (imaa gaa-ijigaadeg); gaye
- Gaa-baashkineyaag.

Mii dash maamaw, da-mino-ayaamaganoon ini mashkiig akiin gaye weweni ji-ayaagin.

Da-ganawaabanjigaadewan jibwaa-ozhichi-gaadeg miikana, megwaa gaye ozhichigaa-deg miikana gaye apii ginwesh aabadang iwe miikana ji-onwaadeg giishpin eminosegwen gaa-gii-inenjigaadeg, ji-manajichigaadeg aki. Da-aanjichigaadewan ono giishpin inenjigaadeg.





Awashime na kiwiikikentan?

Giishpin nawaj geyaabi gegoo wii-gikendamang, weweni gidaa-agindaan ji-gikendaman Aaniin Ge-meshkojishkaag / Gidakiiminaang Mazina'igan.

Kekanonach Wiintamakewinan

Kinantomiko ima cishayan akwaaahkiink tashiikewinik miikana kapimanokiitamowach anapii piko wiikakweteyan kayema wiipakitinaman ikitowin.

Piiwapikonk: eaisinput@martenfallsaccessroad.ca

Kitowinik: 1-800-764-9114

Piiwapik: eais.martenfallsaccessroad.ca

